



ANG

**Bayan**

Pahayagan ng Partido Komunista ng Pilipinas  
Pinapatnubayan ng Marxismo-Leninismo-Maoismo

Espesyal na Isyu  
Disyembre 26, 2006  
[www.philippinerevolution.net](http://www.philippinerevolution.net)

# Labi nga pabakuron ang Partido Komunista sang Pilipinas agud mapamunuan ang demokratikong rebolusyon sang banwa

*Mensahe ng Komite Sentral  
Partido Komunista sang Pilipinas  
Disyembre 26, 2006*

## Introduksyon

Saulugon naton sing malipayon ang ika-38 nga anibersaryo sang liwat nga pagtukod sang Partido Komunista sang Pilipinas sa teoritikal nga ubay sang Marxismo-Leninismo-Kaisipang Mao Zedong (Maoismo) kag sa istorikal nga basehan kag kongkretong sitwasyon sang pumuluyong Pilipino.

Tion subong sang pagsaulog sa aton mga rebolusyonaryong kadalagan, sa pagrebyu sang aton kasaysayan, mga basehang prinsipyo kag mga leksyon kag liwat magapanug-an nga pamunuan kag isulong ang paghimakas sang pumuluyo para sa pungsodnon nga kahilwayan kag demokrasya batuk sa imperyalismong US kag mga lokal nga mapanghimulos nga sahi sang daku nga kumprador kag agalon nga mayduta.


Dapat saluduhan kag dayawon naton ang tanan nga mga kadre kag mga katapu sa mga kadalagan nga naagum sa pagtib-ong sang mataas nga bandera sang makasahing liderato kag pagpamuno sa malapad nga masa sang pumuluyo sa ila mga kabuhi-kag-kamatayon nga paghimakas batuk sa kaaway. Dapat ihatag naton ang pinakamataas nga pasidungog sa mga rebolusyonaryong martir kag baganihan. Ila nga ginhatag ang tanan para sa rebolusyonaryong paghimakas.

Dapat aton pa gid nga pabakuron ang Partido sa ideolohiya, pulitika kag organisa-

syon. Dapat tib-ungon naton ang aton mga solidong kadalagan nga naagum sa inspirasyon sang Ikaduha nga Dungganon nga Kahublagan Panadlong kag sa mapisan nga pagtrabaho kag matutom nga paghimakas. Sa sini lamang aton mapamunuan ang pumuluyong Pilipino sa isa ka bag-o kag mas mataas nga halintang sang paghimakas paagi sa rebolusyonaryo nga armadong paghimakas kag nagahiliugyong prente.

Ginaatubang naton subong sa isa ka rehimen nga tumman ka mapiguson kag mapanghimulos. Nagalunsar ini sang tanan-nga-bahin nga polisiya sang gera batuk sa pumuluyo kag sa mga rebolusyonaryong pwersa. Paliwat-liwat ini nga nagapanumpa nga waskon ang rebolusyonaryong hublag. Pero imbes mahadlukan, ginkilala ini sang pumuluyo kag mga rebolusyonaryong pwersa nga isa ka desperasyon sang isa ka rehimen, nga padayon nga nagakahamulag bangud sa iya pagsunud-sunod sa imperyalismong US, korapsyon, pagdinaya sa eleksyon kag brutalidad.

Ang labi nga nagalala nga krisis sang pangkali-butanon nga sistemang kapitalista kag sang lokal nga nagaharing sistema sang mga daku nga kumprador kag agalon nga mayduta nagaduso sa mga imperyalista kag mga lokal nga reaksyunaryo nga ipasa ang bugat sang krisis sa pumuluyo. Nagabatas ang pumuluyo sing terrible nga pag-antos. Sa sini, nagahan-



dum sila sang rebolusyonaryong pagbag-o paagi sa rebolusyonaryo nga armadong paghimakas kag iban nga mga porma sang paghimakas. Nagapabor, kon amo, ang mga kundisyon sang krisis para sa rebolusyonaryo nga paghimakas.

## Nagagrabe nga krisis sang US kag ang pangkalibutanon sistemang kapitalista

Ang monopolyong kapitalismo sang US amo ang mayor nga nagatib-ong kag nagapadipulos sa "hilway nga merkado" nga globalisasyon. Ginalauman sini nga dalayon nga malampuwasan ang *stagflation*<sup>1</sup> sadtong dekada 1970. Ginabasol niya ang problema sa nagasaka nga lebel sang panwelduhan kag galastuhan sosyal sang gubyerno imbes sa krisis sang sobrang produksyon, sa nagakuripon-sang-ganansya nga mga monopolyo, sa nagalugdang nga kita sang mga mamumugon kag mataas nga gastos militar para sa benepisyo sang *military industrial complex*<sup>2</sup>. Ginapabugal sang mga nagadihon sang polisiya kag mga propagandista sang monopolyong kapitalismo nga ang di-makontrol nga pagkuripon-sang-ganansya sa "hilway nga merkado" amo ang magalubad sa

tanang kag bangud sa halog-nga-kontrol sa pagguwa sang pinansyang kapital in-di na kinahanglan nga pasilabtan sang estado agud batuan ang krisis pang-ekonomya ukon tigayunon ang pang-ekonomya pag-uswag sa mga atrasado nga pungsod.

Suno sa ila, may pulos ang "hilway nga merkado" nga globalisasyon bangud iya ginapadasig ang konsentrasyon kag sentralisasyon sang pinansyang kapital sa US paagi sa maganyaton nga tantos sa interes kag dibidendo para sa mga imbestor nga dumuluong sa mga bono kag istak sang US, bangud ang mga pondo ginalauman nga magmentenar sa US bilang mayor nga motor sang pag-uswag para sa bilog nga pangkalibutanon nga sistemang kapitalista, manugpauswag sang teknolohiya sa impormasyon, prodyuser sang mga pinakadaku nga produkto sa pangkalibutanon nga negosyo (mga produkto militar kag iban pa) kag pinakadaku nga merkado para sa mga produkto pangkonsumo.

Labi nga nagguba ang ekonomya sang US umpisa 2000, sang maglupok ang *bukal sang high-tech*<sup>3</sup>, bunga sang sobrang produksyon sang mga produktong *high-tech*. Ini ang katapusan nga hut-ong sa mga serye sang krisis sang sobrang produksyon—nga nagalakip sang *Great Commodities Depression*<sup>4</sup> nga nagsugod sadtong dekada 1980 kag sobrang produksyon sang mga basehang produktong industriyal (makinarya kag durable nga mga produkto pangkonsumo) sang mga mayor nga imperyalistang pungsod kag sang mga mayor nga bag-ong industriyalisadong ekono-

mya—nga nagsugod sa ulihing tunga sang dekada 1980. Umpisa maglupok ang bukal sang *high-tech*, ginabalbal ang ekonomya sang US sing madalum nga pagtibusok sa *stockmarket* kag pagguba sang mga mayor nga kumbayahan pinansyal kag yara sa istagnasyon.

Gani naghimo ang US sang mga paagi agud lubaron ang istagnasyon. Ginadiriher sini ang pagbuhos sang kwarta sa *housing boom* bilang paagi sa pag-sakdag sang mga konsumidor nga Amerikano sa pag-absorbar sa mga imported nga produkto pangkonsumo kag gatong. Ginabayaran ini sang US sang iya mga dolyar—nga mayormente ginakambyo sang mga suplayer sining mga produkto pareho sang China, Japan, South Korea kag mga pungsod nga nagaprodukto sang langis sang *US treasury bonds*<sup>5</sup> kag dason sa *stock investments*. Bangud sini ang US nangin pinakadaku nga manug-utang sa kalibutan bunga sang iya daku nga depisit sa negosyo. Ang *US treasury bonds* kag istak nga yara sa mga kamot sang mga dumuluong nga kumbayahan amo ang mga kautangan sang US. Umpisa nga nag-presidente sadtong damlag sang 2001, determinado gid si Bush nga pataason ang produksyon militar bilang paagi sa pagpaandar sang ekonomya. Ginatawag ini nga Keynesianismo militar, waay sapayan nga ang *high-tech* nga produksyon militar nagapatrabaho sing pila kag wala gid man nakapataas sa ikasarang magbakal sing madamuan sang pumuluho. Pero ang ilig sang kwarta sa *military-industrial complex* kag sa *housing boom* pat-ud nga makahabok sa listahan pang-ekonomya kag pagdugang sa



Espesyal na Isyu Disyembre 26, 2006

Ang *Ang Bayan* ginabantala sa lengwage nga Pilipino, Bisaya, Iloko, Hiligaynon, Waray kag Ingles.

Mahimo ini i-download halin sa *Philippine Revolution Web Central* nga makit-an sa:

[www.philippinerevolution.org](http://www.philippinerevolution.org)

Nagabaton ang *Ang Bayan* sang mga kontribusyon sa porma sang mga artikulo kag balita. Ginabuyok man ang mga bumalasa nga magpaabot sang mga saway kag rekomendasyon sa ikaswang sang aton pahayagan.

Malab-ot kami paagi sa e-mail sa: [angbayan@yahoo.com](mailto:angbayan@yahoo.com)

Ang *Ang Bayan* ay ginabalhag duha ka beses kada bulan sang Komite Sentral ng Partido Komunista ng Pilipinas

1 Ang *stagflation* amo ang kahimtangan nga ginakinaiyahan sang madasig nga pagtimbuok sa presyo sang mga produkto, pagdaku sang disempleyo, pagkitid sang merkado kag pagluya sang produksyon.

2 Ang *military-industrial complex* amo ang pagsimpon sang establisyamento militar sang estado kag sang industriya sa paghimo sang kagamitan panggera sandig sa pangpulitika kag pangnegosyon nga interes sang mga naghaharing uri sa mga imperyalistang pungsod.

3 Ang ginatawag nga bukal sang *high-tech* amo ang pagdaku sang ispekulatibong pangkapital sa produksyon sang mga pyesa kag kagamitan para sa kompyuter kag telekomunikasyon, subong man sa mga transaksyon sa internet sadtong dekada 1990.

4 Ang *Great Commodities Depression* amo ang malala nga krisis sa sobrang produksyon sang mga produkto pares sang bayu, asukar, kagamitan elektronik at iba pa.

pagdaku sang tantos sang ekonomya. Ang daku nga gasto militar sang gu-byernong US nakatuga sang depisit sa badyet kag nagbuhin sa pondo para sa pagtuga sang trabaho, edukasyon, ika-ayong-lawas, bulig sa kalamidad kag iban pang serbisyo sosyal.

Sugod sadtong Septyembre 11, 2001 nga atake, nakakita ang US sa idalum ni Bush sing epektibo nga rason agud magtuga sang isterya sang gera sa ngalan sang kontra-terorismo kag ginabubo sa produksyon militar ang daku nga kantidad sang kwarta sang pumulu-yo kag sa deployment sang mga pwersa militar sang US sa luwas para sa interbensyon militar kag agresyon. Nag-deklarar si Bush sang "pangkalibutanon nga gera kontra teror," nga ginasisigahum nga permanente kag pamugong. Nag-lunsar siya sang mga gerang agresyon batuk sa Afghanistan kag Iraq kag gin-sakdag ang terorismo sang estado kag pasismo sa kalibutanon nga sakup. Gintumod niya ang mga target nga estado nga ginabansagan niyang "buyong" bangud nagapanindugan sa pungsodnong kahilwayan kasubong man sa tanan nga mga rebolusyonaryong pwersa kag mga lider nga ginabansagan niyang "terorista" bangud anti-imperyalista kag rebolusyonaryo.

Nakakita ang ginatawag nga mga neo-konserbatibo sa administrasyong Bush sang mga kundisyon pabor sa pagduso sang Project for a New American Century. Isa ini ka padihut agud labaw nga mangin poderoso ang US sa tanan nga pungsod paagi sa paggamit sing lubos niya nga kusog, ilabi na sang iya *high-tech* nga pwersa militar, sa paglunsar sang pamugong nga gera sa anuman nga estado nga ginasisigahum mangin karibal ukon isa ka buyong. Sa paglunsar sang agresyon, nagalaum ang US nga makakuha sing mga madawa-dawa nga pagpanag-iyang kag kontrol sa mga istrategikong resorsa (labi na ang langis kag gas) kag sa pagpalapnag sang "hilway nga merkado" kag "demokrasya."

Ginlusong sang US ang iya kaugalingon sa kumunoy sa Iraq paagi sa paglunsar sang agresyon batuk sini sadtong 2003 wala sapayan nga ang iya agresyon kontra sa Afghanistan napaslawan nga makaguba sa al Qaeda. Sa pihak sang terrible nga paghalit sa 665,000 nga mga kabuhi nga Iraqi, im-prastruktura kag pribadong propyedad, nag-agum ang US sang malapit sa 3,000 nga kaswalidad sang tropang Amerikano (wala malakip ang ginatawag *security contractors*), masobra 21,000 mga tropa ang napilasan sa inaway kag masobra 24,000 ang medikal nga ginbakwet bangud sa mga balatian kag mga aksidente kag US\$350 bilyon nga gasto. Nagalaum ini nga makapanag-iyang sing bagong pasilidades sang langis nga pagatukuron sa Iraq kag tambakan ang daan nga pasilidades sang langis sang mga utang para sa pagkumponer kag pagbag-o. Ugaling nagapadayon ang pagpamatuk sang mga Iraqi sa pag-atake sa pasilidades sang langis, nga labi nga nagbuhin sa produksyon sang langis kag nangin di-produktibo para sa US kag British nga mga mananakup.

Disgustado na ang pumuluyong Amerikano sa kapaslawan sa mga tinutuyo sang US sa pagsalakay kag pagsakup sang Iraq. Sadtong Nobyembre nga eleksyon ginbutang ang mayorya nga Democrats lunsay sa duha ka panalagan sang Kongreso sang US. Nagademanda ang mayorya nga atrason ang mga pwersa militar sang US sa Iraq. Ang mga imbestigasyon sa Kongreso sa mga hayag nga pagbinutig ni Bush kag pagpili sang intelidyens kag mga korap nga buhat sa mga kontrata militar magakalkal pa gid sa "kalibutanon nga gera kontra

teror," sa neo-konserbatibong network kag sistematikong pag-atake sa mga kahilwayan sibil sa US kag sa luwas sa ngalan sang kontra-terorismo. May mga indikasyon nga sa temprano sang 2007, magalupok ang *housing bubble* kag magaluya ang mga demanda sang konsumidor patimaan sing hayag nga pagtibusok sa ekonomya sang US padulong sa resesyon, ang daku nga pagbuhin sa mga demanda sang US sa mga imported kag ang pagtibusok sa balor sang dolyar sang US sa luwas nga mahimo tunaan sang pagbasura sa kwarta sang US.

Samtang nahigot sa Iraq, napaslawan ang US sa paghatag atensyon kag kabos ang tikang sa mga problema sa iban nga mga pungsod sa Middle East kag Central Asia kag iban pa. Bisan ang Afghanistan nangin kumunoy para sa US kag NATO (North Atlantic

Treaty Organization) samtang liwat nagaaktibo ang Taliban. Ginapahug sang US ang Iran kag Syria, nga iya ginabilang nga "mga buyong nga estado," pero naghayag ini sang iya wala ikasarang ukon daku nga kabudlayan sa iya pagpalapad sang agresyon sa sining mga pungsod. Ang popular nga anti-US nga pwersa sa Lebanon matigayunon nga nagpaslaw sa mga agresibong tikang sang Israel. Makaligad nga maka-establisar ang US sang gahum sa Central Asia kag sa pag-atake sa Afghanistan, gintukod sang China, Russia kag iban nga anay republikang Soviet sa Central Asia ang Shanghai Cooperation Organization (SCO) agud pauswagon ang *cross-border* nga pagbuligay sa ekonomya kag seguridad. Gintukod sa kubay sining mga pungsod sa SCO ang mga langis kag *gas pipeline* nga independyente sa mga kumpanya sang langis sang US.

6 *Buyong* ang buot silingon sang "rogue." Ginatawag sang imperyalistang US nga "rogue" ang mga estadong sumusuay sa dikta sini.



Hungod nga ginagamit sang Russia ang iya resorsa sa langis para pangbalanse agud maistabilisa ang iya ekonomya kag sa liwat nga pagpakita sang iya impluwensya sa anay mga republikang Soviet kag sa Eastern Europe. Ginabayluhan ukon ginakanselar niya ang mga kontrata sa US kag iban nga dumuluong nga kumpanya sang langis nga di-pabor sa Russia. Nagahimo ini sing bag-o nga linya sang langis nga direkta sa Germany agud makalikaw sa paggamit sa

**...makaugyon ang mga  
poderoso nga  
imperyalista sa ila mga  
polisiya paagi sa Group of  
8, OECD, UN Security  
Council, IMF, World Bank,  
WTO kag mga multilateral  
kag bilateral nga tratado  
militar.**

Makasalig gihapon ang US sa tanan nga imperyalistang pungsod bilang mga alyado sa paglupig kag pghimulos sa mga pumuluyo sa kalibutan, labi na sa Asia, Africa kag Latin America. Sa sining bahin, makaugyon ang mga poderoso nga imperyalista sa ila mga polisiya paagi sa Group of 8, OECD, UN Security Council, IMF, World Bank, WTO kag mga multilateral kag bilateral nga tratado militar. Ugaling sa presyur sang sobrang produksyon sang tanan nga tipo sang mga produkto, nangin tampok ang mga kontradiksyon sa tunga nila. Nagabanggi ang Germany, France kag Russia sa US kag UK angot sa Iraq, Iran kag Middle East sa kabilugan. Matalum ang mga banggianay sang US kag European Union angot sa negosyo, nga nagparalisa sa ulhi nga mga negosasyon sa Doha

kag nagahatag duha-duha kon kinahanglanon pa ang WTO. Mga manipesasyon ining mga kontradiksyon sang pagkabangkarote sang "hilway nga merkado" nga globalisasyon.

Sa gihapon ang Japan amo ang mayor nga katuwang sa ekonomya kag militar sang US batuk sa proletaryado sa East Asia. Ugaling ginabalbal ang relasyon US-Japan sing matalum nga kumpetisyon sa ekonomya bunga sang krisis sang sobrang produksyon sa mga produktong industriyal. Padayon nga nagsunod ang Japan sa mga dikta sang US waay sapayan nga nagasuprer ini sing malawig nga istagnasyon sugod maglupok ang bukal sang iya *real estate* sadtong dekada 1990. Madugay na ini nga nagpasugot

nga magkuha sing daku nga bulto sang *US securities*<sup>7</sup> nga nagatugot sa pagpasulod sang US sa mga imbestment, mga eksport agrikultural kag manupaktura kag pagsabat sa gasto sang mga pwersa militar nga nakabase sa Japan. Pares sang Japan, padayon nga ginabalbal ang South Korea kag Taiwan sang krisis sang sobrang produksyon sa mga produktong industriyal kag sang krisis pinansyal bangud sa mga di-mabayaran nga mga utang sa mga daku nga kumpanya kag sa di-masustenir nga *housing boom*. Pero makakita sila sang isa ka degri sang paghalog sa pagnegosyo sa China.

Madinalag-on nga ginsupak sang Democratic People's Republic of Korea (DPRK) ang pang-ekonomya kag pangmilitar nga blokeyo kag sa mga pamahug sang US batuk sa pagdebelopar sang iya mga programa sa *missile* kag *nuclear research*. Umpisa nga nagmadinalag-on ang DPRK sa iya pagtilaw sang bomba nukleyar, nag-atras ang US sa iya arogante kag mapamahugon nga

pusisyon pakadto sa pusisyon nga na-gaalungay sa China nga aregluhon ang pagbuhi sa anum-ka-partido-nga-pag-hambalanay sa tunga sang DPRK, US, China, Russia, Japan kag South Korea kag sa pagtigayon sa mga bilateral nga pagsuggilanon sa tunga sang US kag DPRK. Ginademanda sang DPRK nga untaton sang US ang iya mapang-away nga polisiya, denukleyarisasyon sang Korean peninsula, pagkuha sang blokeyo sa ekonomya sang US kag normalisasyon sang relasyon US-DPRK.

Bahin sa China, padayon nga ginapatuman sang US ang duha ka taktika sang *pagsugilanon* kag *pagpugong*<sup>8</sup>. Ang iya mayor nga taktika amo ang pagsugilanon bangud iya ginabanta nga naga-uswag nga kapitalismo sang China kag pagsulod sini sa WTO para sa pag-integrar liwat sang Taiwan bilang pribinsya kag sa sini, mabuhinan ang katalagman sang gera sa tunga sang US kag China angot sa Taiwan. Ginahimo mismo sang China ang tanan agud pasaligon ang US sa iya ginatawag malinong nga pagbangon. Ginbuksan sini ang iya ekonomya agud mangin mayor nga destinasyon sang mga imperyalistang pamuhunan bangud sa iya barato nga kusog-pangtrabaho. Madamu diri ang mga sanga sang mga kumpanya sang US kag iban nga dumuluong nga nagaprodusar sing manubo sang balor-nga-gindugang nga produkto para sa US, China kag iban nga merkado. Nakatipon ini sang isa ka trilyon nga dolyar sa *US holdings* nga kadam-an ginkambyo sa *US treasury bonds*. Pero ang US kag iban nga multinasyunal nga kumpanya amo ang may pinakadamu nga kapot sining *US dollar holdings* para sa *capital repatriation* kag *profit remittance*.

Ginalauman sang mga estratidihista nga Kano nga sa idalum sang WTO, ang wala kutod nga pagsulod sang China sa pinansyang kapital sang US magasablag kag magabuhin sa kahilawayan pangpulpitika kag pang-ekonomya sang China kag magaduso sa dugang nga pagbung-

<sup>7</sup> Ang securities -- mga pautang kag pangapital sa porma sang mga bono, kag sapi.

kag sa ginatag-iyahan nga mga kumbu-yahan pang-estado. Laragway sang ka-buganaan ang China (ang manubo sa 10% sang iya pumuluyo), pero masobra 90% sang iya pumuluyo nagabatas sang pagpanghimulos nga mas daluk-dalok pa sangsa una, kag pagpamigos katulad sa mga kahimtangan antes ang 1949. Nagaluntad ang mga pabrika nga manu-bo ang suhulan, mga migrante nga mamumugon, mga lihu-liho kag manugpa-kalimos. Ginlunsar ang linibo nga mga pag-alsa sang mangunguma batuk sa mga arbitrario nga pagpanglaksam-du-ta sang mga burukrata kag kumpanyang kapitalista. Sarang hingalitan sang isa ka rebolusyonaryong partido komunista nga ginaubayan sang Maoismo ang mga paborableng kundisyon sa pagrebolusyon. Sa subong madinalag-on ang paltik nga mga komunista nga ara sa poder sa pagpanghalit sa ngalan sang mga tunay nga komunista.

Bangud sa ginapaabot nga resesyon sang ekonomya sang US sa masunod nga tuig, magasuprer ang China sang gulpe nga pagbuhin sa mga pangkonsumo nga demanda sang US sa iya mga eksport. Ginalantaw ang pagluntad sang mga kinagabut sosyal kag pulitikal. Kasubong man, ginasigahum ngq ang Southeast Asia magasuprer sang pagbuhin sa mga order halin sa luwas sang hilaw nga materyales kag mga semi-manupaktura. Magaabot ang isa ka bag-o nga sulog sang kahalitan pang-ekonomya nga labaw pa sa gintawag nga krisis ng-pinansyal sadtong 1997 kon sa diin ang Southeast Asia wala pa lubos makatibawas—sa iya lebel sang matuod nga ekonomya—nga nagalakip sang sobrang produksyon sing manubo-sang-balor nga gindugang nga semi-manupaktura kag sobra nga konstruksyon sang mga upisina kag apartment kag sa sobrang konsumo sang imported nga mga produkto pangkonsumo nga ginbayan sa mga utang sa luwas. Paborable ang mga kundisyon para sa armado

nga rebolusyonaryong hublag nga malabot ang isa ka bag-o kag mas mataas nga lebel sang pagsulong. Isa man ka tampok nga posibilidad amo ang pagsugod sa Indonesia sang inaway banwa para sa pungsodnon nga kahilwayan kag demokrasya.

Gintinguhaan sang US nga magpatunga sa Pakistan kag India kag masudlan ang mga ini sa proseso. Nagganoy pa gid ang “hilway nga merkado” nga globalisasyon sa pagpanghimulos kag pag-ulipon sang mga pungsod sang South Asia. Nagaantos ang pumuluyo sang labaw nga kaimulon. Sa subong nagalupok ang mga armado nga rebolusyonaryong hublag sa pila ka pungsod sang South Asia. Ang mga partidong Maoista ang nagapamuno sang mga inaway banwa sa India kag Nepal. May potensyal nga ang inaway banwa sa India sa magatungod sa papel sang rebolusyong Russia pagkatapos sang Ikaduha nga Gera Pangkalibutanon kag sang rebolusyong Tsino pagkatapos sang Ikaduha nga Gera Pangkalibutanon. Nangin madinalag-on ang inaway banwa sa Nepal sa pagpasulong sang demokrati-kong rebolusyon asta sa punto nga napilitan ang monarkiya nga magbiya sa poder kag tugutan ang isa ka partidong Maoista sa mayor nga bahin sa poder sa pagtigayon sa burges nga estado kabaylo sang pagbungkag sa hangaway sang banwa kag sa mga organo sang rebolusyonaryong gahum.

Resulta sang malawig nga panahon sang rebisyonistang pagginahum kag kasunod nga hayag nga pagkambyo sa kapitalismo, padayon nga nagakaguba kag nahulog ang kadam-an sa anay mga republikang Soviet kag mga pungsod nga East Euro-

pean sa lebel sang ikatlong kalibutan. Ang manggad sang pumuluyo nga gintuga sang mamumugon ginpribatisa sang mga makawat nga burgesya kag ang mga serbisyo sosyal ginbungkag sa tunga sang lapnagon nga kawad-on sang trabaho kag kaimulon. Pinakamadasig mag-igrab amo ang Balkans kag Central Asia. Paborable ang mga kundisyon para sa pag-establisar sang mga partidong Maoista kag sa pagdelopar sang rebolusyonaryo nga kahublagang masa. Ugaling nakauna na ang nanari-sari nga tipo sang partido. Ini ang mga liberal burges nga partido, mga partido sosyal-demokrat, neorebisyunista kag relihiyoso ukon may angot sa mga relihiyosong partido.

Sa Latin America, lubos nga indi na mapatihan ang “hilway nga merkado” nga globalisasyon bangud sa madugay nga pag-antos sang pumuluyo. Nagluntad ang mga serye sang mga burgis nga makabanwang gubyrno agud kontrahan ang gahum sang US. Gintigayon nila ang nasyunalisasyon sang mga kumpanya sang langis kag gas nga iya sang US kag iban pa nga dumuluong nga kumpanya. May ara nga mga rebolusyonaryong partido kag kahublagan masa sa nagkalain-lain nga pungsod. Ang FARC sang Columbia amo ang pinakapursigido sa pagsulong sang malawigan nga inaway banwa batuk sa reaksyunaryong estado. Gindeklarar sang Partido Komunista

sang Peru (Sendero Luminoso) ang iya kaugalingon nga isa ka partidong Maoista kag nagalunsar sang inaway banwa. Ugaling nagluya ini sugod dekada 1990 sang wala makaptan ang nagahiliugyong prente bilang isa ka rebolusyonaryong hinganiban kag sa prematyur nga pagpati nga ang inaway banwa nakalabot na sa estratehikong pagkapatas nga

8 Ang pagsugilanon amo polisiya nga nagapabor sa diplomatikong relasyon. Ang pagpugong naman ang mas kumprontasyunal kag nagtuyo ihamulag ang natungdan nga pungsod ukon pungan ang paglapnag sang impluwensya sini sa kalibutan.

naglaum maagum ang lubos ang kada-lag-an sa isa ka urban nga pag-alsa.

Makakulugmat ang kahimtangan sang Africa para sa malapad nga masa sang pumuluyo. Sa kadam-an nga pungsod, matalum ang mga banggia-nay sa tunga sang mga partido pulitikal dala sang kadaluk kag pag-ikog-ikog sa mga agaway poder sang mga imperya-lista, sang *etno-centrismo*<sup>9</sup> kag sang relihiyosong pagtuo. Ang mga partido kag kahublagan nga nag-agum sang poder, matapos maggamit ang mga islogan nga pungsodnong kahilwayan, demokrasya kag sosyalismo, nahulog sa neokolonyalismo kag ginabaha sang korapsyon. Wala nagauntat ang mga imperyalistang gahum sa pagmanipular kag pagsamad sa mga pungsod sa Africa kag sa pagpamatuk sa anuman nga gubyrno, pareho sang sa Zimbabwe—nga nagatuyo magnasyunalisa sa mga plantasyon nga ginatag-iyahan sang mga dumuluong kag sa pagpatuman sang reporma sa duta. Luto ang mga kundisyon para sa pagtukod sang mga partidong Maoista kag sa pagpauswag sang mga rebolusyonaryo nga kahublagang masa.

Ang mga kundisyon sang pagpamigos kag pagpanghimulos nagatuga sang paghandum kag panimuot sang malapad nga masa sang pumuluyo para sa pungsodnon kag kahilwayan sosyal. Malapad katama ang kalibutan para sa pagtukod sang mga partido Maoista kag pagpauswag sang mga rebolusyonaryo nga kahublagang masa. Ang mga kahimtangan pangkalibutanon nangingin tuman kaatrasado sugod ginpalapnag sang US ang linya nga "hilway nga merkado" nga globalisasyon kag sa pag-

lunsar sang pila ka gerang agresyon sa ginatawag nga bag-o nga orden pangkalibutanon. Aplikable ang mga rebolusyonaryong prinsipyo sang Marxismo-Leninismo-Maoismo sa mga paghimakas para sa pungsodnong kahilwayan, demokrasya kag sosyalismo. Nagahatag ang Maoismo indi lamang sang ideya para sa pagpadaug sang demokratikong rebolusyon sang banwa kundi sang matayog nga panan-awan para sa pamatuk sa rebisyonismo, pagpugong sa pagpanumbalik sang kapitalismo sa isa ka sosyalistang sosyedad kag para sa pagkonsolida sang sosyalismo.

### **Ang kagarukon kag pagkahumulag sang rehimeng Arroyo**

Sa kubay sang mga pungsod sa Southeast Asia, ang Pilipinas amo ang labi nga wala makatibawas sa krisis pinansyal sadtong 1997. Paagi lamang sa mga remitans sang mga *overseas Filipino worker* kag daku nga pagpangutang sa luwas kag lokal natigayon sang rehimeng Arroyo nga mentenaron ang isa ka lebel sang operasyon pang-ekonomya kag pagginubyrno. Gani iya ginapalala kag ginapadalam ang krisis sang ekonomya sa Pilipinas. Paagi sa pagpangutang publiko kag patuyang nga paggasto sa mga resorsa nakatuga ang rehimen sang ilusyon nga may pag-uswag sa ekonomya nga labaw pa bisan sa mga imperyalistang pungsod.

Nakaangkon ang rehimeng Arroyo

sang mga utang publiko sa luwas kag lokal sa tantos nga mas madasig sangsatanan nga ginsundan nga rehimen, lakip ang pasistang rehimeng Marcos. Gingamit ang mga utang sa pagtabon sa mga depisit sa negosyo kag sa badyet. Ginhatagan prayoridad ang nagapadaku nga bayad sa utang kag sa pagbayad sa nagapadaku nga gasto militar, sobrante nga pagpresyo sa mga garuk nga proyekto pang-imprastruktura kag iban pang parasitikong operasyon sang gubyrno pareho sang serbisyo sosyal sa edukasyon kag ikaaayong-lawas. Gindugangan ang mga palas-anon nga buhis sa pihak nga bagsak nga kahimtangan sang tunay nga ekonomya. Pero kadam-an nga buhis nagakadto sa serbisyo sa utang, gasto militar kag korapsyon.

Nagapabilin nga malakolonyal kag malapyudal ang kinaiya sang ekonomya sang Pilipinas nga ginapagrabe kag ginapadalam sa ginaimposar nga polisiya sang US nga "hilway nga merkado" nga globalisasyon. Nagapwera ini sang pungsodnon nga industriyalisasyon, tunay nga reporma sa duta kag nagapabor sa denasyunalisasyon, pribatisasyon, liberalisasyon kag deregulasyon sa kaayuhan sang mga dumuluong nga multinasyunal kumpanya kag bangko kag sa kahalitan sang ekonomya nasyunal, anakbalhas, kababaihan, bata kag sang embayronment.

Sa idalum sang sining polisiya, nalamitahan ang Pilipinas sa paghimo para sa eksport sang hilaw nga materyales kag sa pag-eksport liwat sing manubosang-balor nga gindugang nga mga produkto pangkonsumo (mga semi-conductor, bayu, hampanganan, sapatos kag iban pa). Nalakip ini sang sobrang suplay pangkalibutanon kag nagapabilin nga manubo ang ila presyo sa kalibutanon nga merkado. Kadungan man, ginabaha ang Pilipinas sang mga imported nga pagkaon nga nagasamad sa lokal nga produksyon sang pagkaon sang pumuluyo kag sang maluho nga pag-

---

**Ang mga kundisyon sang pagpamigos kag pagpanghimulos nagatuga sang paghandum kag panimuot sing malapad nga masa sang pumuluyo para sa pungsodnon kag kahilwayan sosyal. Malapad katama ang kalibutan para sa pagtukod sang mga partidong Maoista kag pagpauswag sang mga rebolusyonaryo...**

---

<sup>9</sup> Ang *etno-sentrismo* amo ang sobinistang paghikay sa ibang grupo nga etniko, pungsod ukon kultura.

angkat para sa mga mataas nga sahi nga nagapalaskang malahalang re-sorsa sa mga dumuluong nga pungsod.

Padayon nga nagapahulam sang kwarta sa Pilipinas ang mga dumuluong sa komersyal nga interes. Bangud ginapasalig sila nga ginahatagan sang obligado nga prayoridad ang pagbayad sa utang, makuha nila ang interes sa utang para sa masunod nga pagsulod sang mga utang kag kabaligyaan sang mga bono sang gubyrno, pagkambyo sang *debt to equity* sa mga lokal nga negosyo ukon pagpanag-iya sang mga dunang-manggad, may parte sa mga kita sa *foreign exchange* sang *overseas contract workers* kag pwersado pagpataas sang buhis sang reaksyunaryong gubyrno. Ara ang nagadugang nga pagsalig sa pagbaligya sang mga bono sang gubyrno kag sa mga lupad-manok nga pamuhunan.

Tuman kabudlay para sa pumuluyo ang nagadugang nga mga palas-anon nga buhis sa idalum sang bagsak nga kahimtangan sang ekonomya. Ang aktwal nga tantos sang wala trabaho lampas pa sa 45%. Padayon nga ginaduso panubo ang lebel sang kita sang mga mamumugon, mangunguma kag sang nahanunga nga lebel sang sosyedad. Nasarhan bangud sa pagkaputo ang mga gamay kag medyum nga kumpanya sang mga negosyanteng Pilipino. Bisan ang mga kumbuyahan para sa paghimo sing manubo-sang-balor-nga gindugang nga semi-manupaktura nagakaputo ukon ginasaylo sa China sang mga daku nga dumuluong nga kumpanya.

Angot sa pang-ekonomya pagbagsak sa US, lauman nga ang ekonomya sang Pilipinas labi nga magasuprer sa pagbuhin sa mga order sang mga mayor nga produkto kag manubo-sing-balor-nga gindugang nga semi-manupaktura. Mabutang ang malapad nga masa sang pumuluyo sa pinakapigado nga kahimtangan sang disempleyo, manubo nga kita, kaimulon kag kalisdanan. Mangin lapnagon pa gid kag malala ang diskontento sosyal. Magapadulong ang sosyo-ekonomikong krisis sa krisis pulitikal kag kinagamu, indi lamang sa tunga

sang rehimeng Arroyo kag sang pumuluyo kundi sa kubay sang mga reaksyunaryong paksyon sang mga mapanghimulos nga sahi sang daku nga kumpador kag agalon nga mayduta.

Nag-ani sang kaakig sa malapad nga pumuluyo ang rehimeng Arroyo kag nagakahumulag bangud sa iya pagka-iligal sa pagdinaya sa eleksyon sadtong 2004, iskandalosong korapsyon, pagikog-ikog sa US kag sa iban pang dumuluong nga monopolyong interes kag lapnagon nga paglapak sa tawha-nong-kinamatarung. Sa idalum sang nagaluntad nga grabe nga sosyo-ekonomikong krisis, nagalala ang huyog sang rehimen nga monopolisasyon ang ginapangawat sa gubyrno kag magahimo sang mapintas nga tikang agud pungan ang malapad nga oposisyon, labi na batuk sa progresibo nga ligal nga aktibista. Nangin labing mapait kag mas matalum ang mga kontradiksyon sa tunga sang mga reaksyunaryo. Ang oposisyon sa sulod sang sistema nabuyok nga batuan ang rehimen bangud nagatinguha ini nga makuha ang suporta sang malapad nga masa sang pumuluyo.

Sa subong, natigayon gihapon sang rehimeng Arroyo nga magamit ang mapintas nga kusog agud i-haras, sablagan kag bungkagon ang mga aksyong masa sang malapad nga nagahiliugyong prente sang pwersang oposisyon. Ginapaslaw man sini ang duha ka pagtinguha sang mga diputado nga oposisyon (nga kulang sang supisyenteng numero) agud ma-*impeach* si Arroyo. Sa tuman nga kahadlok nga ang oposisyon makagum sang nagakaigo nga pwesto sa kongreso agud ma-*impeach* siya, ginmaniobra ni Arroyo nga kanselahon ang eleksyon sa Mayo 2007 sa tabon sang peke nga *people's initiative*, sa isa ka *constituent assembly* nga wala nalakip ang Senado agud rebisahan ang 1987

konstitusyon kag bayluhan ang porma sang gubyrno halin presidensyal padulong sa parlamentaryo.

Ginapaslaw ang iskema sang rehimeng Arroyo nga bayluhan ang konstitusyon paagi sa mapagros nga pagpakita sing kaakig sang pumuluyo, sang malapad nga nagahiliugyong prente sang mga pwersang oposisyon kag sang mga mayor nga relihiyosong institusyon. Luwas nga gusto niya sindihan ang pulitikal nga kinagamu, wala sing mapilian ang rehimen kundi tugutan nga hiwaton ang eleksyon sa Mayo 2007. Labi ang kabalaka sang malapad nga masa sang pumuluyo nga himuon sang rehimen ang tanan nga ara sa iya poder agud pungan ang oposisyon nga magdaug sa eleksyon. Ginalauman nga ang rehimen liwat magahimo sing daku nga paggasto para sa iya mga kandidato kag sa paggamit sang militar kag mga upisyal sang eleksyon agud magdinaya sa piniliay. Ang

pagliwat sang 2004 nga elektoral nga dinayaay sigurado nga magaresulta sa grabe nga kinagamu pulitikal kag sa pagsipa sa rehimeng Arroyo.

Huyog nga mangin bayolente ang mga kontradiksyon sa tunga sang mga reaksyunaryo. Ginapakita ini sa nagadugang nga mga kaso sang mga asasinasyon kag luthanganay sa tunga sang mga paksyon sang reaksyunaryong pulitiko sa lokal nga lebel kag sa nasyunal nga kabisera kag labi nga nangin sistematiko sa pagdamu sang mga paksyon pulitikal sa tunga sang mga upisyal nga militar kag pulisya sa nasyunal kag lokal nga lebel. Ara ang malawig nga basehan sang paksyunalisasyon sang mga pwersa militar kag pulisya bangud ang mga paksyon naangot sa mga sindikato kriminal kag amo man sa mga pulitikal nga padrino sa sanga ekehutibo kag lehisl-



tibo sang reaksyunaryong gubyerno.

Pero indi tanan nga mga paksyon militar kag pulisya nagaayon sandig sa makinaugalingon nga garuk nga katu-yuan. Sa kamatuoran may ara nga mga pro-US kag pro-Arroyo nga paksyon nga nakapadipulos halin sa upisyal nga ka-

dena sang kumand. May ara man nga mga pro-US pero anti-Arroyo nga paksyon sa tunga sang mga mataas nga upisyal. Dugang pa, may ara nga indi man pro-US pero mga anti-Arroyo nga paksyon mayormente sa kubay sang mga manubo nga upisyal nga may pila ka mataas nga upisyal nga dampig sa ila. Nagdamu ang mga anti-Arroyo nga paksyon sugod 2005. Pero bangud

sa ila temporaryong bentaha, subong ang mga loyalista ni Arroyo ang may kontrol sa kadena sang kumand.

May maayo nga mga kahigayunan nga mapukan ang rehimeng Arroyo sang nagligad nga Pebrero paagi sa kumbinasyon sang mga anti-Arroyo nga aksyong masa kag sang hayag nga pag-atras suporta sang mga pwersa militar kag pulisya sa rehimen. Hana nga pamunuan ang pag-atras suporta sang First Scout Ranger Regiment sang Philippine Army, First Marine Brigade sang Philippine Navy kag Special Action Force sang Philippine National Police. Pero nadula ang kahigayunan sa isa ka sayup kag napaslawan nga tuyo nga kumbinsihon ang AFP Chief of Staff kag Deputy Chief nga mag-upod sa mga pwersa anti-Arroyo agud masaylo ang bilog nga kadena sang kumand sa bahin sang pumuluyo kag malikawan ang lukpanay.

Ginpaknubo ang sipsip nga kinaiya sang duha ka mataas nga upisyal sang AFP. Nanugid sila kay Arroyo bahin sa

pag-engganyo sa ila. Kasunod sini, naghimo ang rehimen sang mabaskog nga tikang sa idalum sang Proclamation 1071 batuk sa anti-Arroyo nga mga upisyal militar kag pulisya kag batuk sa mga demonstrador. Wala sang natabo nga kudeta militar. Pero ang mga pro-

Arroyo nga kadena sang kumand naglight sa tanan nga makilala kag ginadudahan nga anti-Arroyo. Sa pihak nga bahin, mas madamu ang anti-Arroyo nga tinawo sa militar kag pulisya nga ila pagakilalahon kag suspetsahan.

Resulta sang kaakig sang pumuluyo sa iskemang cha-cha, madasig nga nagdaku ang mga paksyong anti-Arroyo sa sulod sang militar kag pulisya

kontra sa mga iligal kag kriminal nga buhat sang rehimeng Arroyo. Nagguwa man ang bise presidente sa pagkontra sa plano sang iya presidente nga bayluhan ang konstitusyon kag nagpabutyag nga iya pamatukan ang pagdinaya sini sa eleksyon. Nagapakita sang mga patimaan nga nagakawasak ang nagaharing hubon samtang nagatuhaw sa publiko ang internal nga pag-ilinaway sa tunga sang grupo ni Ermita kag sang iban nga grupo sa sulod sang kabinete ni Arroyo.

Tuman nga ginasuportahan sang rehimeng Arroyo ang "kalibutanon nga gera kontra sa teror" ni Bush agud mapalapad ang interbensyon militar sang US sa Pilipinas sa tabon sang mga ehe-risyo militar, pagsipsip para sa dugang nga ayuda militar sang US, pagsabotage sa mga negosasyon pangkalinungan sa tunga sang gubyerno sa Manila kag sang National Democratic Front of the Philippines kag sa pagpatuman sang Oplan Bantay Laya sa idalum sang polisiya sang tanan-nga-bahin nga gera ba-

tuk sa hangaway sang banwa kag rebolusyonaryong masa nga ginapamunuan sang Partido Komunista sang Pilipinas.

Ginbanta sang rehimeng Arroyo nga ang iya polisiya nga tanan-nga-bahin nga gera kontra sa armado nga rebolusyonaryong hublag magaisa sa iya likod ang mga pwersa militar kag pulisya kag mapaluya ukon mapaguba sa mga rebolusyonaryong pwersa nga ginasigahum amo ang pinakasolidong bahin sang malapad nga nagahiliugyong prente sang mga pwersang oposisyon. Ginadiriher ang Oplan Bantay Laya sang Cabinet Oversight Committee nga ginapamunuan sang beterano sang Phoenix Plan kag sang rehimeng Marcos nga si Eduardo Ermita kag nagapadihut sa mahigko nga taktika pangunahon sang mga *special operations team* para sa saywar kag mga *death squad* para sa ekstrahudisyal nga pagpamatay. Ang ila taktika amo nga pakamalauton ang ginatuyo nga mga biktima bilang mga komunista kag, pagkatapos nga mapatay sila, ibasol sa mga komunista nga ang pagpatay sa ila isa ka "pagpurga."

May duha ka malaw-ay nga aspeto ang Oplan Bantay Laya. Una, ginakonsentrar sini ang mga pwersa sang militar kag pulisya sa pila ka prenteng gerilya sa isa ka natalana nga panahon agud maghimo sang mga masaker, madamuan nga pagpamahug, mga arbitraryo nga pagpang-aresto, tortyur kag pwersahan nga ebakwesyon sang bilog nga mga komunidad paagi sa mga pagpamomba, pagpanganyon, pagmasinggan, pagpanunog kag pagbuldoser. Ika-duha, nagahimo ini sang mga ekstrahudisyal nga pagpamatay, pagkuot kag pagtortyur sa mga ligal nga aktibista, lakip ang mga lokal nga lider sang progresibong partido, mga mamumugon, mangunguma, kababaihan, mga relihiyoso, mga peryodista, mga abugado kag mga tagasakdag sang tawhanong-kinamatarung.

Isa lamang ka dalamguhanon ang plano sang rehimeng Arroyo nga waskon ang demokratikong rebolusyon sang banwa antes ang 2010. Wala gani mawasak ang hangaway sang banwa—

---

**Ginalauman nga ang rehimen magahimo liwat sing daku nga paggasto para sa iya mga kandidato kag sa paggamit sang militar kag mga upisyal sang eleksyon agud maghimo sang pagdinaya sa piniliay. Ang pagliwat sang 2004 nga elektoral nga dinayaay sigurado nga magaresulta sa grabe nga pulitikal nga kinagamu kag sa pagsipa sa rehimeng Arroyo.**

---



nga labi nga mas gamay sangsa pwersa niya subong—sang diktaduryang Marcos nga nagabaton sang madamu nga ayuda militar sang US kabaylo sa pagtenger sang mga base militar sang US, nga tuman nga may daku nga hugada para sa upisyal nga pangutang sa luwas kag sa madasig nga pagdugang sang kusog sang mga tropa sang AFP. Wala gani matigayon sang rehimeng Aquino nga nag-sandig sa iya anti-Marcos nga popularidad agud waskon ang hangaway sang banwa. Naglawig sang lima ka tuig ang Oplan Bantay Laya kag napaslawan ini sa pagwasak sa armado nga rebolusyonaryong hublag sa isa ka rehiyon.

Nagaangkon sang dugang nga erya kag kusog sangsa nagtaliwan ang armado nga rebolusyonaryong hublag bangud ginatib-ong sini ang matarung nga kawsa, nagabato para sa pungsodnon kag demokratikong kinamatarung sang pumuluyo kag nagapangapin sa pumuluyo batuk sa pag-ikog-ikog, mapanghimulos, kagarukan kag brutalidad sang rehimeng Arroyo kag sang bug-os nga reaksyunaryo nga nagaharing sistema. Nagapamuno ang aton Partido sa demokratikong rebolusyon, indi lamang sa pagkapot sang hinganiban sang rebolusyonaryo nga armadong paghima-kas kundi sa rebolusyonaryo nga naghiliugyong prente man. Gani, natigayon sini ang pinakamalapad nga popular nga base para sa rebolusyonaryong gera.

Ang mga ekstrahudisyal nga pagpamatay, mga pagkuot, tortyur, misrepresentasyon sang mga bata nga mga hangaway sang BHB agud patyon kag ihunong sila, mga pwersahan nga ebakwasyon kag iban pa nga lapnagon nga paglapak sa tawhanong-kinamatarung sang mga pwersa militar kag pulisya sang rehimen nagapaakig sa pumuluyo sang kalibutan kag sa pinakarespetadong institusyon, mga organisasyon kag personahe nga nagakabalaka sa tawhanong-kinamatarung. Nag-abot sa punto nga bisan ang mga guberno nga mainabyanon sa gubernong Pilipinas nagtawag sa rehimeng Arroyo nga iya salabton kag tapnaon ang lapnagon nga

mga paglapak sa tawhanong-kinamatarung. Pareho sa pasistang rehimeng Marcos, ang mapiguson nga rehimeng Arroyo nahamulag indi lamang sa mga pumuluyong Pilipino kundi pati sa internasyunal nga komunidad sang mga pungsod.

Padayon nga ginapanindugan sang National Democratic Front of the Philippines (NDFP) nga ang negosasyon pangkalinungan sa Guberno sang Republika sang Pilipinas nagapadayon sa kawad-on sang anuman nga bahin sang pormal nga pagtapos sa Joint Agreement on Safety and Immunity Guarantees. Paliwat-liwat ini nagatawag sang pagpadayon sa pormal nga pagsugilanon bahin sa resolusyon sang mga prehudisyal nga halambalanon pareho sang ginatawag nga paglista nga terorista sang PKP, BHB kag sa Chief Political Consultant, sa lapnagon nga paglapas sa tawhanong-kinamatarung sa idalum sang Oplan Bantay Laya, ang paghilway sang mga detenido pulitikal kag sa pagbayad-danyos sa mga biktima sang tawhanong-kinamatarung sa idalum sang rehimeng Marcos.

Naglab-ot ang NDFP asta sa pagtanyag sang isa ka ginpalip-ot nga kasugtanan para sa matarung kag malawigan nga kalinungan nga nagaserbi nga pagpasugot lunsay ang NDFP kag GRP sa depinido nga mga prinsipyang punto sa pungsodnon kag demokratikong interes sang Pilipino. Sabat ang amo nga tanyag sa indi matarung nga demanda sang GRP nga magsu-render sang armas ukon sa isa ka wala latid nga kalawigon sang untat-linupok nga wala sang ginkasugtanan sa mga sustantibo nga isyu. Magapadulong ini sa pag-untat linupok sang gera sibil samtang ang duha ka bahin magapatuman sang Comprehensive Agreement on Respect for Human Rights and International Humanitarian Law kag mag-


anegosyar sa pagpatuman sang mga pang-ekonomya, pangkatilingban kag pangpulitika nga reporma sandig sa The Hague Joint Declaration.

Samtang desperado ang rehimeng Arroyo sa pagpatuman sang polisiya sang tanan-nga-bahin nga gera kag wala pulos para sa iya ang negosasyon pangkalinungan, ang armado nga rebolusyonaryong hublag nga ginapamunuan sang aton Partido wala sing mapilian kundi magpalapad kag magpasingki sa bilog nga pungsod. Aton nahibal-an halin sa aton eksperensya sa mga negosasyon pangkalinungan kon paano kamalisyoso kag maluibon ang rehimeng Arroyo. Naobserbahan man naton ang pareho nga kinaiya sang rehimen sa iya pagsugilanon sa Moro Islamic Liberation Front. Ang aton Partido kag ang NDFP may lubos nga pasensya sa paghulat sa masunod nga rehimen agud lantawon ang kaayuhan sang negosasyon pangkalinungan kag ang mga kaayuhan para sa pumuluyong Pilipino.

## Nagadaku nga kusog sang rebolusyonaryong hublag

Padayon nga nagaangkon ang aton Partido sang tanan-nga-bahin nga mga kadalag-an. Napalapnag naton ang linya pang-ideolohiya sang Marxismo-Leninismo-Maoismo sa tanan nga nagapangungang organo kag mga organisasyon, sa kubay sang mga kadre, sa mga katapu kag kandidatong katapu. Aton ginadala pasulong ang pangkabi-

lugang linya pangpulitika sang demokratikong rebolusyon sang banwa batuk sa dumuluong nga monopolyong kapitalismo, pyudalismo kag burukrata kapitalismo. Ginatib-ong naton kag ginaplikar ang prinsipyo sang demokrati-



kong sentralismo sa mga halambalanon organisasyunal.

Indi magguba ang aton Partido kag padayon nga nagaabante bangud gina-bug-os ini sang mga kadre kag mga katapu nga nagahakos sa Marxismo-Leninismo-Maoismo bilang linya pang-ideolohiya kag padayon nga nagapabakod sa ila proletaryo nga makasahing panindugan, panan-aw-an kag pamaagi sa pag-atubang sa kasaysayan sang kalibutan kag sang Pilipinas, sa subong nga sitwasyon, sa nanari-sari nga tipo sang hilikuton kag paghimakas kag sa kinahanglanon nga estratehiya kag taktika sa pagsulong sang demokratikong rebolusyon sang banwa.

Padayon ang aton mga kadre kag mga katapu sa pagtuon sang dialektiko kag istorikong materyalismo angot sa ila trabaho. Ginaplikar nila ang materyalistang dialektika sa paghibalo kag paglubad sang mga problema. Ila ginapalapad kag ginapadalum ang ila ihibalo sa Marxismo-Leninismo agud pamatukan kag lutuson ang mga empirista kag dogmatikong tipo sang suhetibismo, modernong rebisyunismo, oportunismo kag repormismo kag iban pa nga petiburges nga huyog sang kaisipan pareho sang liberalismo, neoliberalismo, sosyal nga demokrasya, neo-Kautskyismo, Trotskyismo, anarkismo, kleriko-pasismo kag NGOismo.

Nagabasa kag nagatuon ang aton mga kadre kag mga katapu sang mga sinulatan nanday Marx, Engels, Lenin, Stalin kag Mao kag sang mga dokumento sang Komite Sentral. Ang aton mga kadre nga mas mainalamon sa teorya nagabulig sa iban nga gusto pa gid magtuon paagi sa mga pormal nga kurso sang pagtuon sa basehan, intermedya kag abanse nga lebel, paagi sa mga miting pagtuon kag pagtrabaho sang

mga nagapanguna nga organo sang Partido kag mga organisasyon kag paagi sa mga impormal kag buhi nga grupo sang diskusyon kag mga pagsugilanon.

Ginasiguro sang Departamento sang Edukasyon sang aton Pangkalahatang Kalihiman kag mga organo sa edukasyon kag propaganda sang Partido nga may ara tanan nga materyales sa pagtulun-an. Ginahatagan man sang ginpasimple nga materyales, mga malip-ot nga teksto kag biswal kag bulig *audio-visual* sa nagkalain-lain nga mayor nga lenggwa-heng Pilipino para sa kaayuhan sang mga kaupod nga naghalin sa sahing mamumugon kag mangunguma kag may limitado nga pormal nga edukasyon.

May mutwal nga kaayuhan ang inter-aksyon sa tunga sang mga kaupod nga madali makahangup sang mga konsepto kag mga termino sa balasahon nga materyales kag sa may manggaranon nga inagihan para sa pag-analisa.

Mahapos hakson sang aton mga kadre kag mga katapu sang Partido ang linya pang-ideolohiya bangud nagatalakay ini sang mga halambalanon sang kabuhi-kag-kamatayon sang Partido. Ang mga nakakomiter sang mga mayor nga sayup sang petiburges nga suhetibismo kag ang bunga sang mga Wala kag Tuo nga oportunistang sayup kag kasubong man nga mga krimen batuk sa aton Partido kag aton pumuluho nakasamad tani sa aton kag sa rebolusyonaryong hublag halin sa sulod kon wala maghimo sang tikang ang mga proletaryong rebolusyonaryo nga sawayon kag sikwayon ang ila mga sayup nga ideya kag tikang. Padayon nga ginatun-an ang mga dokumento kag mga leksyon sang Ikaduha nga Dunganon nga Kahublagan Panadlong agud pabakuron ang aton kubay batuk sa mga misrepre-

sentasyon kag pagpanamad sang kaaway kag sang mga traidor nga nangin mga espesyal nga ahente sang kaaway.

Nagagamit ang aton mga kadre kag mga katapu sang Partido sang Marxismo-Leninismo-Maoismo bilang hinganiban pang-ideolohiya batuk sa nagapadayon nga opensiba pang-ideolohiya sang mga imperyalista kag lokal nga reaksyunaryo nga nagangasal nga ang kawsa sang siyentipikong sosyalismo kag ang pinakaultimo nga handum nga komunismo wala sing lauman kag indi na makalampuwas ang sangkatawhan sa kapitalismo kag liberalismo. Gani padayon sila nga nagatuon sa depinidong tindog sang aton Partido para sa sosyalismo batuk sa modernong rebisyunismo.

Nakapatuhaw kita sang isa ka punpon sang mga artikulo nga nagakontra kag nagasikway sa mga ginasugid kag mga argumento sang mga nagabandera sang neoliberal nga "hilway nga merkado" nga globalisasyon, mga burges nga liberal, mga sosyal-demokrat, mga neo-Kautskyista, mga Trotskyista, mga anarkista, mga kleriko-pasista kag NGOista. Ginagastuhan ini sang mga imperyalista sa pag-atake sa likod kag sa kilid agud naton agud utdon kita sa mga petiburges nga intelihensya kag sa mga edukado nga pamatan-on nga may huyog maghakos sang rebolusyonaryong panindugan kag mag-upod sa aton Partido. Ginapamatukan sang aton Partido ang petiburges nga kaisipan sa sulod sang aton Partido pero ginabuyok ang mga elemento nga petiburges agud bag-uon ang ila kaugalingon kag mag-upod sa aton Partido ukon mangin mga alyado sa progresibong nagahiliugyong prente.

Madinalag-on nga aton ginapasulong ang pangkabilugang linya sang demokratikong rebolusyon sang banwa batuk sa imperyalismong US kag sang mga lokal nga nagaharing sahi paagi sa malawigan nga inaway banwa. Ginatibong naton ang bandera sang pagpamuno sang sahing mamumugon kag napukaw, naorganisa kag namobilisa ang malapad nga masa sang pumuluho sa

---

**Maluwas sa paglunsar  
sang armadong paghimakas  
batuk sa kaaway, nagagamit  
ang aton Partido sang mga  
polisiya kag taktika sang  
nagahiliugyong prente. Sa  
kabilugan, ang nagahiliugyong  
prente amo ang para sa  
armadong paghimakas.**

---

kasyudaran kag kaumhan. Madinalag-on nga ginagamit naton ang rebolusyonaryo nga armadong paghimakas kag ang nagahiliugyong prente bilang mga hinnganiban pangpulitika sa pag-alagad sang sahing mamumugon.

Nagahulag ang aton Bag-ong Hangaway sang Banwa kag nagahiwat sang pangmasang hilikuton sa masobra 120 prenteng gerilya nga nagasakup sang linibo nga baryo sa masobra 800 munisipalidad sa 70 prubinsya sang Pilipinas. Sa paghiwat sang hilikuton masa, nangin kabulig ini sa pagtukod sang mga organisasyong sang mga mamumugon, mga mangunguma, kababaihan, pamatan-on kag mga aktibista pangkultura kag sa pagtukod sang mga lokal nga organo sang gahum pangpulitika, sa umpisa mga komiteng pang-organisa sa baryo kag masunod mga rebolusyonaryong komite sa baryo nga may suporta sang mga organisasyong masa kag mga komite para sa mga organisasyong masa, edukasyong masa, ikaayong-lawas sang pumuluyo, reporma sa duta kag ekonomya, depensa sa kaugalingon, arbitrasyon kag hilikuton pangkultura.

Ang kahublagang mangunguma para sa tunay nga reporma sa duta amo ang mayor nga kahublagang masa agud matigayon ang demokratikong rebolusyon. Gani ang mayorya sang mangunguma amo ang makapahilway sa ila kaugalingon sa pang-ekonomya, pangkatilingban kag pangpulitika kag nangin mayor nga kaundan sang demokratikong rebolusyon sang banwa. Nagalakip ang minimum nga reporma sa duta sang pagpanubo renta, pagpanubo sa interes sang pautang, pagpataas sang sweldo sa pagpamugon, pagpataas sa mga presyo sang produktong agrikultural kag pagpasanyog sa produksyon agrikultural kag saydlayn nga trabaho. Aplikable ang programa sa maksimum nga reporma sa duta sang kumpiskasyon kag libre nga pagpanagtag sang duta kag amo man ang panugod nga porma sang kooperasyon batuk sa mga despotikong agalon nga mayduta kon napukan ang gahum sang agalon nga mayduta sa relatibo malapad nga sakup.


Nagalunsar ang aton hangaway sang banwa sang malaparan kag maikit nga inaway gerilya sandig sa nagapadalam kag nagapalapad nga baseng masa. Sa subong sa proseso pa ini sang pagpadamu sang numero sang mga platon kag mga prenteng gerilya sa pungsodnon nga sakup. Kadungan man, nagapasanyog ini sa ikasarang sang mga rehiyunal nga kumand sa pagdumala sang pila ka prenteng gerilya, pagpamuno sang hedkwarters platon kag sa pagkonsentrar sang pila ka platon para sa mga operasyong open-siba. Ang mga kumand sang prenteng gerilya may pleksibilidad sa paglunsar sang mga platonkadaku nga operasyon kag pag-ubay sa mga iskwad nga nagatigayon sang mga operasyon sa malapad nga sakup. Nangin epektibo ang istruktura, pamaagi sang deployment, mga taktika kag teknika sa pagtigayon sang mga reydy, ambus kag operasyong pag-aresto kag nakatuga sang mga kahalitan sa tropa kag hinnganiban sa bahin sang kaaway.

Napaslawan ang Oplan Bantay Laya sa iya katuyuan nga waskon ang BHB paagi sa pagkonsentrar sang mga militar kag mahulag nga yunit sang pulis sa pila ka rehiyon kag sa pila ka prenteng gerilya sa sulod sang natalana nga panahon kag, pagkatapos masigahum nga nawasak ang BHB, magasaylo sa masunod sa pila ka rehiyon kag prenteng gerilya. Wala sang rehiyon nga nangin madinalag-on ang kaaway nga waskon ang BHB. Ang mga pwersa sang militar kag mahulag nga pulis wala sang pwersa nga makasakup kag makakontrol sing epektibo sa 10% sang populasyon sa isa ka natalana nga panahon. Mahimo makakonsentrar sila sa pila ka prenteng gerilya kag pabudlayan ang pagsinalayo sang pumuluyo. Pero malikawan sila sang mga yunit sang BHB sa kada prenteng gerilya ukon sa pagsaylo sa iban

nga erya para sa pagdebelopar sang prenteng gerilya. Sa madamu nga iban pang prenteng gerilya, nagahulag ang BHB sing hilway bangud sa sobrang konsentrasyon sang mga pwersa sang kaaway sa pila ka prenteng gerilya.

Napaslawan ang mga pwersa sang kaaway bangud sa mga mabaskog nga bunal sang BHB sa mga ambus kag reydy kag bulag nga nagalunsar sang mga patrolya kag iban pang operasyon nga wala sing depinidong target.

Masami nga nabutang sila nga bulnurable sa mga tim sang isnayper sang BHB kag mga yunit milisya, mga lupok sang RPG (*rocket-propelled grenade*) kag mga *command-detonated landmine*. Nagapabugal sila sang pagpadaku sa ila mga pwersa sa pagpaarmas sa mga pumuluyo sa lokalidad pareho sang CAFGU, CVO, mga barangay tanod, kag iban pa. Pero sa pagkamatuod wala sila salig sa pumuluyo kag ginapili nila nga ikonsentrar ang ila pagtinguha sa



pagpamahug paagi sa pagtamay, mga pag-usisa sang sedula, mga blokeyo sa pagkaon kag iban pa nga malaut nga paglapas sa tawhanong-kinamatarung, lakip ang mga masaker, iligal nga detensyon, tortyur, arson kag pwersahang ebakwesyon. Nahibal-an man nila nga ang mga yadtong nagapasugot nga armanan mangin bulnurable sa ulihi sa mga operasyong disarmang BHB.

Maluwas sa paglunsar sang armadong paghimakas batuk sa kaaway, nagagamit ang aton Partido sang mga polisiya kag taktika sang nagahiliugyong prente. Sa kabilugan, ang nagahiliugyong prente amo ang para sa armadong paghimakas. Gani, ang antipyudal nga nagahiliugyong prente amo ang may pangunahon nga importansya. Nagasalig mayormente ang aton Partido sa mga imol nga mangunguma kag mga mamu-

mugon sa uma, ginhabig ang mga nahanunga nga mangunguma, ginanyutralisa ang mga manggaranon nga mangunguma, ginahingalitan ang mga kontradiksyon sa tunga sang mga nakahangup kag masupog nga agalon nga mayduta agud ihamulag ang mga despotikong agalon nga mayduta kag waskon ang ila gahum pangpulitika sa pungsod. Ang antipyudal nga nagahiliugyong prente isa ka indi mabulag nga bahin sang kabilugan nga pungsodnon nga nagahiliugyong prente nga amo ang anti-imperialista, antipyudal kag antipasista.

Isa ka malapad nga nagahiliugyong prente ang nagtuhaw kag dugang ginapasanyog batuk sa rehimeng US-Arroyo. Ginalakipan ini sang mga organisadong pwersa sang mga mamumugon, mga mangunguma, kababaihan, pamatan-on kag mga propesyunal, mga negosyante, mga pulitiko, relihiyoso kag pati mga anti-Arroyo nga grupo sa kubay sang mga upisyal sang militar kag pulisya. Sa halambalanon pulitikal, nagahiliusa, nagakooperar kag nagakoordinar ang Wala sa Nahanunga kag sa mga anti-Arroyo nga bahin sang Tuo batuk sa pinakamalaut nga bahin, nga amo ang nagaharing hubon Arroyo. Sa malapad nga nagahiliugyong prente, ang mga pwersang patriyotiko kag progresibo sang Wala kag Nahanunga pwede maghiliusa sa mga mahuyang kag indi masaligan nga alyado sa Tuo sa tuyo nga ihamulag kag lutuson ang kaaway kag sa proseso makaganar sang kusog paagi sa paghimakas.

Lunsay ang rebolusyonaryo nga armadong paghimakas kag ang nagahiliugyong prente ang may taga ka pamaagi sa pagpukaw, pag-organisa kag pagpahulag sa malapad nga masa sang pumuluho. Natigayon sang rebolusyonaryo nga armadong paghimakas ang solido nga pag-organisa sang masa kag pagtu-

kod sang mga organo sang gahum pangpulitika sa kaumhan. Ginapukaw, ginaorganisa kag ginapahulag sang nagahiliugyong prente ang pumuluho sa bilog nga pungsod agud tigayunon ang ila organisasyon sang Partido. May direkta nga bulig ang hilikuton sa ligal nga nagahiliugyong prente ang organisasyunal nga hilikuton sang mga ligal nga demokratiko nga organisasyong masa.

---

**Pareho ang  
rebolusyonaryo nga  
armadong paghimakas  
kag ang nagahiliugyong  
prente may taga ka  
pamaagi sang pagpukaw,  
pag-organisa kag  
pagpahulag sa malapad  
nga masa sang pumuluho.**

---

sang Partido kag nakabase diri. Nagatugot ang demokratikong proseso sa aton nga nagapanguna nga organo sa pagtipon sang mga datos kag mga ideya halin sa nasambit nga organisasyon kag hilway nga nagatalakay sini agud makahimo sang mga polisiya kag mga desisyon. Nagasunod ang mga indibidwal kag ang minorya sa desisyon sang mayorya. Napaidalum ang manubo nga organo ukon organisasyon sa mas mataas nga organo ukon organisasyon. Ang Komite Sentral amo ang pinakamataas nga organo samtang wala ang Kongreso.

Ginatib-ong sang aton mga kadre kag mga katapu sang Partido ang duha ka pamaagi sang relasyon sang sentralismo kag demokrasya. Mabinantayon kita sa anuman nga tendensya sang bukratismo ukon kumandismo nga ang mga desisyon kag mandu isa ka bahin nga ginhimo halin sa ibabaw paubos, nga wala sing benepisyo sang mga report kag mga rekomendasyon halin sa ubos. Kadungan man, mabinantayon kita sa mga ultra-demokrasya ukon anarkismo, buot silingon, wala nagakilala sang awtoridad sang mga mataas nga organo kag nagapanghalit nga pananawan halin sa ubos nga wala ginakonsi-

derar ang kumperehensibong paglantaw sang mas mataas nga organo.

Sa pungsodnon nga sakop ang organisasyon sang aton Partido madalum nga nakaugat sa kubay sang mga masa sang mga mamumugon kag mga mangunguma. Ang mga sanga sang Partido ara sa mga komunidad, sa mga pabrika, mga plantasyon, mga linya sang transportasyon, mga eskwelahan kag mga upisina. Ang aton mga grupo ukon mga selula sang Partido ara sa nagkalain-lain nga lebel sang nanari-saring tipo sang mga organisasyon kag institusyon, progresibo ukon reaksyunaryo. May aton nga mga elemento sang Partido kag mga selula bisan sa sulod sang mga pwersa sang militar kag pulisya sang kaaway. Gani, may aton ihibalo sa mga hulag sang kaaway, mga plano kag aktibidades sini. Ang bantog nga pagluntad sang mga patriyotiko kag progresibong grupo sang mga upisyal sang militar kag pulisya nagapatimaan sang epektibo nga trabaho sa sulod sang kampo sang kaaway.

Isa ka dalamguhanon sang rehimen nga waskon sini ang aton Partido paagi sa pagpamatay sa ginasisigahum nga mga kadre kag mga katapu sang Partido. Pero ang makinarya sang reaksyunaryong militar kag pulisya kag ang ika-sarang magpamatay nalimitahan bangud ang aton Partido tago umpisa sang iya liwat nga pagkatukod sadtong 1968 kag permi nga nagapreserba kag nagasisiguro sa iya kaugalingon, nagapalapad sang iya katapuan kag napataas ang iya kalidad paagi sa rebolusyonaryong edukasyon kag praktika. Mahimo makakonsentrar ang kaaway sa iya mga pag-atake sa pila ka erya pero nagapabilin nga bukas ang madamu nga iban pa para sa aton Partido nga magdaku sa kusog kag mag-abante. Sa diin man nga indi malikawan sang aton mga kaupod nga mangin martir, ginapasidunggan naton sila agud makainspirar sa bilog nga Partido kag aton pumuluho sa pagbato sa kaaway nga mas matutom kag wala duha-duha. Ang mga kumand sang BHB sa nagkalain-lain nga lebel ginahingalan sa aton mga martir nga dalaya-



won sa armadong paghimakas.

Ginarekrut ang aton mga katapu sang Partido halin sa armado nga rebolusyonaryong hublag kag sa ligal nga demokratikong kahublagang masa. Nagahanas kag nagatitawag ini sa madamu nga mga aktibista nga angay rekruton sa Partido. Ang masingki kag lapnagon nga mga armado kag ligal nga porma sang paghimakas nagahatag sang pada-yon nga ilig sang mga bag-o nga may mataas nga handum kag militanteng rekrut sang Partido nga naghalin sa masang mamumugon kag mga mangunguma kag sa nahanunga nga istrata kag nadala nila ang manggaranon nga eksperensya, ila pagkamalapit sa masa kag nanari-sari nga ikasarang nga mapuslanon para sa pag-abante sang demokratikong rebolusyon sang banwa.

Sistematiko nga nagadeploy ang aton Partido sang mga mamumugon kag nakatuon nga pamatan-on halin sa urban pakadto sa kaumhan agud mag-alagad sa Bag-ong Hangaway sang Banwa kag sa mga komunidad sang mangunguma. Gani, napataas kag napalapad naton ang aton mga ikasarang bilang isa ka Partido sa kaumhan. Sa sini, ang aton personel sa Partido halin sa kasyudaran labi nga magaremolde sa ila kaugalingon sa init sang rebolusyonaryo nga armadong paghimakas. Nagahatag man ang pag-alagad sa hangaway sang banwa sang kasiguruhan kag kahigayunan nga mag-away ang mga myembro sang Partido kag mga aktibistang masa nga ginapahug sang kamatayon ukon pag-aresto sang kaaway.

## Ang aton tatlo ka mapang-awaynga mga hilikuton

Dapat naton nga labing pabakuron ang Partido Komunista sang Pilipinas agud makapamuno ini sang mas epektibo sa demokratikong rebolusyon sang banwa batuk sa imperyalismong US kag sa mga lokal nga sahi sang daku nga kumprador kag agalon nga mayduta. Dapat padasigon naton ang rekrutment sang mga katapu sang Partido halin sa kubay sang mga Pulang hangaway sang

Bag-ong Hangaway sang Banwa kag sa mga abanteng aktibista sang kahublagang masa sa kasyudaran kag kaumhan. Paabantehon naton sila halin sa mga kandidatong katapu pakadto sa lubos nga katapu sa sulod sang ginatugot nga panahon sang kandidatura paagi sa maabtik paghatag sa ila sang basehang kurso pangpartido kag pagsiguro nga mapisan nila nga ginatungdan ang ila mga hilikuton sa sulod sang ila mga yunit sang Partido kag sa hangaway sang banwa ukon sa mga organisasyong masa.

### 1. Labi nga pabakuron ang rebolusyonaryong partido sang proletaryado!

Sandig sa plano, dapat dugangan naton ang aton mga katapu sang Partido sang pila ka pulo ka libo kada tuig. May daku kita nga kinahanglanon sang mas daku nga numero sang mga kadre kag mga katapu sang Partido agud sa tigayunon ang nanari-saring tipo sang trabaho sa kubay sang minilyon nga pumuluyo kag agud mabatak ang rebolusyonaryong paghimakas sa isa ka bag-o kag mas mataas nga halintang. Bangud ang aton mga rekrut sang Partido nagahalina sa kubay sang mga Pulang hangaway kag mga aktibistang masa kag sila may pila eksperensya sa rebolusyonaryong paghimakas, may interensya sila sa paghim-os dayon sang basehang kurso pangpartido, pagtuman sang ila mga hilikuton sa sulod sang ila mga yunit sa Partido kag sa hangaway sang pumuluyo ukon sa mga organisasyong masa.


Pagkatapos nga mapasumpa sila bilang mga lubos nga katapu sang Partido, pwede sila makakuha sang mas mataas nga pormal nga mga kurso sang Partido sa ila ginatrabuhan nga yunit sandig sa kurikulum kag silabus ukon sa

mga sesyon sang pagtuon nga ginhimo sa partikular sang mas mataas nga organo sang Partido. Dapat permi nila nga ginapauswag ang ila hakos sang Marxist-Leninista nga panindugan, pananawan kag pamaagi, makahibalo sang husto nga linya kag pamatukan ang suhetibismo kag oportunismo, moderno nga rebisyonismo kag nanari-saring huyog sang petiburges nga kaisipan. Dapat mapauswag ang teoritikal kag pulitikal nga edukasyon sang mga katapu sang Partido paagi sa muklat nga pagsapraktika sa mga basehan nga rebolusyonaryong prinsipyo sang aton Partido sa pagtuon sang kasaysayan sang Pilipinas kag sa subong nga kahimtangan kag paagi sa pagtasa kag pagsuma sang hilikuton, pagsaway kag pagsaway-sa-kaugalingon kag sa pagbalay sang mga hilikuton.

Dapat ang kada mataas nga organo sang Partido makahibalo sa sulod sang iya ginapamunuan sang kantidad kag kalidad sang mga kadre kag mga katapu sang Partido sa anuman nga nanari-saring organisasyong teritoryal kag pungsunal. Gani, makadesisyon ini nga pataason pa ang pwersa sa isa ka natalana nga organo sang Partido ukon yunit ukon sa pagredeploy sang mga kadre kag mga katapu sang Partido agud mapabakod ang iban nga organo sang Partido ukon yunit ukon sa pagtukod sang bag-o. Dapat permi nga siguruhon sang Partido nga ang mga proletaryong rebolusyonaryo magapanguna

kag ang mga kadre kag mga katapu sang Partido nga may sahing mamumugon kag mangunguma dapat padamunon, nga wala sing pagbuhin sa numero sa maghalin sa mga petiburgesyang urban.

Bangud nga ang inaway banwa na-



galapad kag nagasingki ginakinahanglan gid ang pagpatuhaw sang dugang nga mga kadre kag mga katapu sang Partido kag magdebelopar sa Bag-ong Hangaway sang Banwa kag sa mga kahublagang masa sa kaumhan kag sa pagredeploy sang mga mamumugon kag edukado nga pamatan-on halin sa urban pakadto sa kaumhan, nga indi makasablag sa kahublagang masa sa urban. Dapat naton preserbahon kag dugangan ang aton mga kadre kag mga katapu sang Partido. Ang sa hayag nga ara sa katalagman bangud sa pagtaas sang sulog sang terorismo sang estado dapat maghalong kag mangin handa nga madeploy sa iban nga lugar.

## **2. Palaparon kag pasingkion ang armadong rebolusyon!**

Dapat isulong naton ang inaway banwa agud makaagaw sang gahum pangpulitika kag makatukod sang demokratikong estado sang pumuluyo. Dapat magtinguha kita sa pag-abante halin sa temprano pakadto sa nahanung nga hut-ong sang estratehikong dependsiba sa pagpadamu sang mga platon kag sa mga prenteng gerilya, kag sa pagpauswag sang kumand sa mga lebel sang rehiyon kag mga prenteng gerilya. Dapat ila ipatuman sa tagsa nila ka erya sang responsibilidad ang mga ubay para sa mga pungsodnon nga koordinadong opensiba. Dapat naton palaparon kag pasingkion ang mga taktikal nga opensiba sang hangaway sang banwa batuk sa kaaway. Dapat mag-agaw kita sang mas madamu nga armas halin sa kaaway agud sa pagtukod sang dugang nga mga platon sang Bag-ong Hangaway sang Banwa kag sa pagtukod sang dugang nga prenteng gerilya.

Dapat maglunsar kita sang pulitiko-militar nga paghanas sang mga Pulang kumander kag mga hangaway sa nagkalain-lain nga pormasyon kag sa nanari-saring lebel sang kumand. Ang pulitikal nga importansya kag katuyuan sang paghanas para sa anuman nga mayor nga taktikal nga opensiba dapat mapathag agud magtuga sang moral sa

pagkig-away. Dapat man kita maghatag sang paghanas sa mga yunit milisya kag mga yunit sa depensa-sa-kaugalingon agud makatigayon sila sang ila mga responsibilidad kag mangin mga reserba sila kag dugang nga pwersa sang hangaway sang banwa. Sa sini, aton mahibalan sa gilayon kon sin-o may prayoridad nga mag-entra sa hangaway sang banwa kon magdugang ang mga armas.

Dapat padasigon naton ang paglunsar sang malaparan kag maikit nga inaway gerilya sandig sa labing nagalapad kag labing nagadalum nga baseng masa. Mahimo kita makalunsar sang mga opensiba kag paslawon ang mga kontra-opensiba sang kaaway kon may aton mabaskog nga baseng masa. Dapat magtukod kita sang mga organo sang gahum pangpulitika kag mga organisyong masa kag magtigayon sang mga kampanya para sa pag-organisa sang masa, edukasyon pangmasa, reporma sa duta kag produksyon, ika-ayong-lawas, depensa-sa-kaugalingon, pag-areglo sang mga away-away kag hilikuton pangkultura. Dapat hatagan naton sang maid-id nga igtalupangud sa reporma sa duta agud mapasakup naton ang mangunguma sa armadong rebolusyon.

Sa rebolusyonaryong paghimakas, ginahatag naton ang prayoridad sa mga taktikal nga opensiba kag iban nga hilikuton agud magdugang sang aton pangpulitika kag pangmilitar nga kusog sa mga prenteng gerilya. Wala pa naton mapatuman sa signipikanteng kalawigon ang aton deklaradong polisiya nga

silutan ang pinaka-notoryus nga tagahimo sang paglapas sang tawhanong-kinamatarung kag korapsyon. Tubtub subong, wala pa kita dramatiko nga nakabalos batuk sa mga mataas nga buruk-rata kag mga upisyal sang militar kag pulis nga responsable sa ila mga buhat nga terorismo sang estado kag pasismo batuk sa pumuluyo sa mga komunidad sang mamumugon kag mangunguma kag batuk sa mga di-armado nga ligal nga aktibista.

Sa tuyo nga makaagum sang rebolusyonaryong hustisya batuk sa mga upisyal nga may mga utang nga dugo, dapat magtipon kita sang kinahanglanon nga impormasyon paagi sa

paniktik kag sarbeylans, pagtukod sang mga tim nga matutom kag may abilidad kag magpili sang tion kag lugar para sa pagaresto sa mga kriminal kag dal-on sila sa hustisya ukon makig-away sa ila kon lupit sila sa armas kag wala nagatugot ang matawhay nga pagdakup.

Nahibal-an naton nga kon mag-sugod kita sa pagaresto ukon pag-away sa mga kriminal, madamu sa mga pwersa sang militar kag pulis ang maduso sa pagbantay agud protektahan sila. Ang maayo nga tion sa pagaresto ukon mag-away sa

---

**Bangud nga ang inaway banwa nagalapad kag nagasingki ginakinahanglan gid ang pagpatuhaw sang dugang nga mga kadre kag mga katapu sang Partido kag magdebelopar sa Bag-ong Hangaway sang Banwa kag sa mga kahublagang masa sa kaumhan kag sa pagredeploy sang mga mamumugon kag edukado nga pamatan-on halin sa urban pakadto sa kaumhan, nga indi makasablag sa kahublagang masa sa urban.**

---

mga demonyo sang rehimeng Arroyo amo kon sila ara sa kahimtangan nga madasig nga nagatibusok sa pulitika. Sa subong, ang rehimeng Arroyo kag iya madugon nga mga sinakpan sa militar kag pulisya ang mga target sang kaakig sang pumuluyo sa Pilipinas kag sa bilog

nga kalibutan.

### **3. Mobilisahan ang pumuluyo paagi sa nagahiliugyong prente!**

Dapat mobilisahan naton ang malapad nga masa sa ila minilyon paagi sa nanari-saring tipo sang nagahiliugyong prente. Dapat labing pauswagon naton ang basehang alyansa sang mga mamumugon kag mga mangunguma, ang progresibong alyansa sang mga anakbalhas kag sang petiburgesyang urban, ang patriyotikong alyansa sang mga progresibong pwersa kag sang mga nagakiya-kiya nga pungsodnon nga burgesya kag ang malapad nga nagahiliugyong prente kag mga reaksyunaryong pwersa nga temporaryo kag indi masaligan nga alyado batuk sa pinakamalaut nga reaksyunaryong pwersa nga amo ang kaaway.

Ang kaaway subong amo ang rehimeng Arroyo nga ginadiriher sang US. Dapat himuon naton ang tanan nga posible kag kinahanglanon agud magbudyag sa iya mga krimen batuk sa pumuluyo agud ihamulag, paluyahon kag kuhaon siya sa poder. Sa proseso, labing magapabakod ang rebolusyonaryong pwersa kag pumuluyo kag mapadasig ang ila pag-abante sang rebolusyonaryong paghimakas. Kon indi pa naton mawasak subong ang nagaharing sistema paagi sa pagpukan sa poder sang nagaharing guban Arroyo, makatipon kita sang kusog agud atubangon ang madason nga rehimen sa pagbuhi sang negosasyon pangkalinungan kag pagaway sa gilayon kon maathag nga ini may kinaiya nga kontra-pumuluyo, kontra-nasyunal kag kontra-demokratiko. Sa pagbato sa isa ka kaaway nga rehimen pagkatapos sang isa, makatipon kita sang kusog nga sa dalayon makawasak sa reaksyunaryong sistema.


Nagalaum kita nga ang krisis sang nagaharing sistema kag sang pangkalibutanon nga sistemang kapitalista magagrabang pa gid kag magahatag sang dugang nga terrible nga kalisdanan sa malapad nga masa sang pumuluyo. Ginaantisipar naton nga ang rehimeng

Arroyo mangin labing masinulundon sa US kag sa ibang imperyalista, magapadayon sa iya korapsyon, magakomiter sang mas daku nga paglapas sang tawhanong-kinamatarung kag magahimo sang mga pagdinaya sa 2007 nga pini-liay. Tuman ang kahadlok sang peke nga presidente nga ang oposisyon makaganar sang mga pwesto sa Kongreso nga supisyente nga maka-impeach sa iya sa Manobo nga Panalagan kag paghusgar nga nakasala siya sang Senado. Gani, nagahanda siya sa pagdaya sa eleksyon kag sa paggamit sang kalakasan batuk sa mga partidong oposisyon kag mga kandidato.

Ang rehimeng Arroyo arogante nga nagapakanubo sa gahum sang pumuluyo kag sang malapad nga nagahiliugyong prente kag wala sing may ginapasin-o sa iya mga krimen batuk sa pumuluyo. Natak-an na ang malapad nga masang sang pumuluyo sa rehimen. Ang kinahanglan lamang nga maduso sila pakadto sa mga karsada sa ano nga mainit nga insidente ukon isyu pareho sang pagliwat sang dinayaay sadtong 2004 nga eleksyon sa 2007 ukon mga buhat nga bayolente batuk sa ligal nga oposisyon. Ang pagluntad sang ginatos ka libo nga pumuluyo sa mga karsada magaduso sa kadam-an sang mga upisyal sang militar kag pulis sang reaksyunaryong gubyerno nga magpangibabaw sa kadena sang kumand agud respetuhon ang kinamatarung sang pumuluyo nga maghambal kag magtipon kag magkumbinse sa dominante nga simbahan nga magtigayon sang pagbaylo sa rehimeng Arroyo sa isa ka magabulos ukon gubyernong transisyon.

Handum sang Partido Komunista sang Pilipinas kag tanan nga pumuluyo kag mga rebolusyonaryong pwersa nga sa gilayon makuha sa poder ang nagaharing hubon Arroyo. Pero kon ining guban nagapadayon sa poder bangud nagagamit ini sang kalakasan kag pagpaniplang batuk sa pumuluyo kag sa

dominanteng simbahan nga nagatugot sini, ang tanan nga mga rebolusyonaryong pwersa magatipon sang dugang nga kahigayunan para makaangkon sang kusog halin sa nagahiliugyong prente kag sa kahublagan sang pumuluyo. Magaangkon sang pwersa kag magapasingki ang inaway banwa samtang nagapangita sang epektibong pamaagi ang malapad nga masa sang pumuluyo agud dulaon ang indi mabatas nga pagpamigos kag pagpanghimulos nga ginatuga sang rehimeng Arroyo nga may suporta sang US kag iban pa nga imperyalista.



**ANG****Bayan**

Pahayagan ng Partido Komunista ng Pilipinas  
Pinapatnubayan ng Marxismo-Leninismo-Maoismo

Espesyal na Isyu  
Disyembre 26, 2006  
[www.philippinerevolution.net](http://www.philippinerevolution.net)

# Labi nga pabakuron ang Partido Komunista sang Pilipinas agud mapamunuan ang demokratikong rebolusyon sang banwa

*Mensahe ng Komite Sentral  
Partido Komunista sang Pilipinas  
Disyembre 26, 2006*

## **Pambungad**

Saulugon naton sing malipayon ang ika-38 nga anibersaryo sang pagtukod liwat sang Partido Komunista sang Pilipinas sa teroritikal nga ubay sang Marxismo-Leninismo-Kaisipang Mao Zedong (Maoismo) kag sa istorikal nga basehan kag kongkretong kahimtangan sang pumuluyong Pilipino.

Tion subong sa pagsaulog sang aton mga rebolusyonaryong kadalagan, sa paglantaw-liwat sang aton kasaysayan, mga basehang prinsipyo kag mga leksyon kag magapanug-an liwat nga pamunuan kag ipasulong ang paghimakas sang pumuluyo para sa pungsodnon nga kahilwayan kag demokrasya batuk sa imperyalismong US kag mga lokal nga mapanghimulos nga sahi sang daku nga kumprador kag agalon nga mayduta.


Dapat saluduhan naton kag ipanginbulahan ang tanan naton nga mga kadre kag mga katapu sa mga kadalagan nga naagum sa pagtib-ong sa mataas nga bandera sang makasahing liderato kag pagpamuno sa malapad nga masa sang pumuluyo sa ila mga kabuhi-kag-kamatayon nga paghimakas batuk sa kaaway. Dapat ihatag naton ang pinakamataas nga pasidungog sa mga rebolusyonaryong martir kag baganihan. Ginhatag nila ang tanan para sa rebolusyonaryong paghimakas.

Dapat pabakuron pa gid naton ang Partido sa ideolohiya, pulitika kag organisa-

syon. Dapat naton tukuron ang aton mga solidong kadalagan nga naangkon sa inspirasyon sang Ikaduha nga Dungganon nga Kahublagan Panadlong kag sa matutom nga pagtrabaho kag makahason nga paghimakas. Sa sini lamang mapamunuan naton ang pumuluyong Pilipino sa isa ka bag-o kag mas mataas nga halintang sang paghimakas paagi sa rebolusyonaryo nga armadong paghimakas kag nagahiliugyong prente.

Nagaatubang kita subong sa isa ka rehimen nga tuman ka mapiguson kag mapanghimulos. Nagalunsar ini sang tanan-nga-bahin nga polisiya sang gera batuk sa pumuluyo kag sa mga rebolusyonaryong pwersa. Paliwat-liwat nga nagapanumpa ini nga waskon ang rebolusyonaryong kahublagan. Pero imbes nga mahadlok, ginkilala ini sang pumuluyo kag mga rebolusyonaryong pwersa nga desperasyon sang isa ka rehimen, nga padayon nga nagakahamulang bangud sa iya pagkamasulundon sa imperyalismong US, korapsyon, pagdinaya sa eleksyon kag brutalidad.

Ang labi nga nagagrabang krisis sang pangkalibutanon nga sistemang kapitalista kag sang lokal nga nagaharing sistema sang mga daku nga kumprador kag agalon nga mayduta nagaduso sa mga imperyalista kag mga lokal nga reaksyunaryo nga ipasa ang bugat sang krisis sa pumuluyo. Nagabatas ang pumuluyo sing terrible nga pag-antos. Sa sini, nagahandum sila sang rebolusyonaryong





## Mga instruksyon sa paglilimbag

**1.** Ang **sinundang pahina**, na eksaktong kopya ng pahina 1 maliban sa mas mapusyaw ang *masthead* o *logo* ay para sa mga gumagamit ng *mimeo machine* o naglilimbag sa paraang *v-type*. Idinisenyo ito para hindi madaling makasira ng istensil.

**2.** Pag-*print* sa istensil:

- a) Sa *print dialog*, i-check ang **Print as image**
- b) Alisin ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Tiyaking naka-set sa **100%** ang **Scaling**
- d) Ituloy ang pag-*print*

**3.** Hinihikayat ang mga kasama na ipaabot sa patnugutan ng *AB* ang anumang problema kaugnay ng paglilimbag sa pamamagitan ng *v-type*. Magpadala ng *email* sa *angbayan@yahoo.com*